



【新社简介】 中国新社是以学习、研究、创作诗词联赋为主的文学团体。是由中楹会对联文化研究院评论部主任苏俊提议发起,由谭伟媛担任社长,吴华杰、陈飘石等担任副社长,由来自全国各地诗词爱好者自愿申请加入的民间艺术社团。该社现有全国各地社员二十余人。

中国新社成立于2018年2月23日,2018年3月18日在江门市尚南国学馆举行挂牌仪式。

中国新社的宗旨是:传承国学,学古生新。

**谭伟媛 玉楼春·效晏殊体,
用“绿杨芳草长亭路”原韵**

楼头望断君归路,雁往莺来莺又去。枝空犹怯落花风,蝶老那禁连夜雨。凭谁解识相思苦,云鬓更添愁几缕。离肠揉入旧花笺,散落流光无觅处。

玉湖春早

水暖山温洗俗尘,玉湖先占岭南春。

孤篷误入神仙境,疑作潇湘画里人。

陈飘石 蝶恋花

满目繁华春几许。瘦马青衫,不入长安路。蝼蚁王侯皆若土。苍茫谁客谁为主?且向竹林寻醉侣。对月当歌,莫被浮云误。但枕清溪扶梦去。明朝酒醒看鸥鹭。

踏莎行·用晏殊“小径红稀”韵

柳岸寻来,桃溪问遍。春光一去谁人见。残红欲诉却无言,杨花飞过银塘面。点点浮鸥,年年老燕。韶华已逐江流转。闲愁万缕系斜晖,晚钟传入青苔院。

吴华杰 黄花风铃

岁岁黄钟木,当风执杵铃。
摇来声满地,尘世几人醒?

咏濂溪祠前半月池中莲

周子祠前白玉莲,亭亭净植已千年。



痴心欲化一枝立，静汲濂溪圣脉泉。

一棹清波画里游，楼台亭阁望中收。
霓虹醉了江南雨，水国烟村别样羞。

谢莹 鹧鸪天·兰

纤骨生来远市尘，卜居山涧棘为邻。
枕来流水千秋调，招得离骚九畹魂。
寻旧约，问前身，荷花犹自逊清芬。
忘情别有多情处，出谷幽香暗袭人。

丁酉重阳有感

山水涵秋色，横空雁字长。
丹枫娇欲语，黄菊冷生香。
酹酒情难已，思亲梦未央。
登高愁绪远，何处是吾乡。

眉妩·咏杜阮凉瓜

正瓜香时候，万架青篱，融杜阮春意。
偶入田间路，凝眸处、琼园风拂新翠。
土肥蔓细，引几多、村老心事。算犹有、四海飘零客，数番拟归计。

依约甘凉滋味。任晚来草暗，寒露初起。
冷月消残酒，蓬山远、年年争忍分袂？
岂怜马齿。莫负他、藤碧堪脍。且装点行囊，来岁再回杖履。

浣溪沙·雪

一夜霜花开满枝，层鳞冰霰玉参差。
琼芳醉眼胜春时。蝶羽缤纷来入梦，
云英飘落欲沾衣。又谁梅苑话相思。

林琍 濂溪故里赏荷

一自人间说爱莲，光风霁月立千年。
羡君开在濂溪上，得伴先生夜夜眠。

周子惠 访梅有寄

踏雪归来未见埃，幽香一缕沁灵台。
未须折向红尘去，留与山中自在开。

登福州镇海楼

临风高啸白云秋，万里来登镇海楼。
作队鸥翔天上下，怀乡心逐浪沉浮。
片帆长载千家梦，一水平分两岸愁。
忽忆髯翁歌大陆，莫教深意付东流！

注：髯翁，指于右任。歌大陆，指于右任诗《望大陆》。

卖花声·过周庄梨花村

无处不飞花，谁把春赊？炊烟起处有人家。
隔叶黄莺啼婉转，韵似琵琶。闲谈送生涯，料理桑麻，清
风浣尽世间华。爱恨嗔痴都付与，一盞清茶。

叶金平 老巷

应怜深巷静无尘，旧瓦莓苔覆几春。
门外是谁曾久驻，望穿新月照归人。

赵桂云 夜游珠江



踏莎行·用晏殊“小径红稀”韵

冷雨依稀，残红落遍，闲来几度栏杆见。日长未觉近黄昏，霓虹灯下他人面。此夕堂檐，谁家幕燕，明朝又作孤蓬转。斯人已去觅无踪，难忘只是当年院。

邓玉颢 痴情

细语缠绵笑靥痴，红妆醉看月来迟，感君不负青梅约，白首相携誓可期。

踏莎行·依晏殊“小径红稀”原韵

草色青稀，苔痕绿遍。红楼弱柳窗边见。一声鸿雁引愁思，氤氲卷地沙扬面。易找离鸦，难寻归燕。命如落叶随风转。梦中几度泪沾巾。醒来独对深深院。

郭金伟 踏莎行·依晏殊

“小径红稀”原韵

梅蕊依稀，海棠红遍。远村驿路朦朦见。南楼杨柳惹春风，飞花萦绕离人面。雾阁藏春，云窗锁燕。沉香断续残烟转。栏干慵倚夜阑时，细风疏雨萧萧院。

玉楼春·效晏殊体，用“绿杨芳草长亭路”原韵

重帘翠幕来时路，鸿雁征人双别去。离歌唱尽蓼花风，别泪暗随荷叶雨。夜阑依旧相思苦，鬓上心头

愁万缕。却移筝柱傍西楼，此是当时携手处。

注：依绿杨芳草长亭路原韵

黄美卿 浣溪沙·圭峰山

燕语圭峰春正浓，夭桃犹作去年红，寒溪没入白云中。独爱林间三月韵，不胜山下一襟风，斜阳又掩景千重。

眉妩·咏杜阮凉瓜

正蓬江风嫩，杜阮烟轻，瓜熟趁时令。垄上流香处，留连久，行来疑入仙景。鸟声唤醒，恍美人、珠翠相映。合怜取、满架悬冰玉，曳云弄清影。

厨下朝朝消领。爱苦甘爽脆，凉沁心境。四海归鸾凤，盘中试，情丝长系乡井。意浓味永，更几回、低唱高咏。看沙外琼田，还拥素秋万顷。

杨帆 游醉仙谷

晨光人语泛轻舟，半是烟云半是幽。屋上连湖湖上屋，结庐长待谪仙游。

柳桥唤渡

潮连水碧晓烟青，唤渡声疑隔岸听。恰在鸢飞鱼跃处，年年柳眼最先醒。

钟光明 秋荷

秋露未凝风满池，残芳落寞倚枯枝。来时犹记生生约，花濯清涟共赋诗！

新集

浙江经济职业技术学院学生习作选

王雯瑶 咏梅

暮色将深露水凉，
池边林寂远闻香。
且寻小径细相看，
傲骨梅花绽冷霜。

易美娜 钱塘江

红日余晖万里去，
钱塘江水入他乡。
儿时江畔曾嬉戏，
已是游人空断肠。

闵卓 夜游钱塘江

疏星数点明江水，一弯淡月映钱塘。
回眸浅笑知谁意，愁绪莫教枉断肠。

杨 岚 春色

桥头莺啭百花香，杨柳垂丝拂水长。
欲问春来何处觅，东风几缕到身旁。

来钟涛 春晨游记

莺啭树梢光映帘，小园行处道绵绵。
芳池照影水连动，行客匆匆唯我闲。

徐 静 钱塘

钱塘江上波澜阔，浩荡大潮名五洲。
遥望千层百尺浪，豪情壮志上飞头。

李 薛 春至

高歌一曲酒千觞，我笑今朝休断肠。
莫说此乡非故土，国邦万里尽春妆。

洪卿穗 无题(折腰)

缕缕春风染翠妆，桃花灼灼舞霓裳。
但有行人长驻足，青山如笑惜韶光。

郭安琪 西湖春

三月春浓湖水清，桃花纷落镜波明。
断桥如卧人熙攘，雷峰遥望入山青。

陈一帆 春行

枝头雏鸟醒杭城，桃李欲燃杨柳青。
江岸忽来风缕缕，漫天飞絮不知踪。

胡达康 楼阁迎春

春日来时万物华，清风拂面饮新茶。
书斋独坐芳香入，倩影青衣颜俏佳。

章 薇 春

拂肩杨柳绿枝头，摇曳春风絮漫收。
邀得佳人共游此，花光水色照行舟。

李 梅 赏春

斜风细雨作微凉，燕舞蝶飞花满裳。
引伴呼朋且归去，唯留小径落英香。

吴琦琦 春

春风拂柳柳依人，春雨绵绵草似茵。
落入檐头天欲晓，润泽万物几回新。

吕如宁 风花

暇来遥眺树生花，一片桃林灿似霞。
如画如诗又如梦，风吹簌簌入人家。

